

摘藻堂四庫全書薈要

集部

欽定四庫全書薈要卷一萬三千三百七

集部

御製詩初集卷三十四

古今體一百三首

丙寅六

題徐賁眠雲軒圖用高季迪韻

明季能詩家孰與渤海儔偶然披此圖喜復晤青丘
綃幘對快晴爽風蕩輕綢胡乃滃勃雲不離几案頭
妙哉施可堂眠雲意何悠幼文圖成之老筆殊難侔
昔讀大全集曠若乘虛舟未由涉其藩如望滄瀛洲
是詩久成

誦叫絕杯屢浮乃今見手蹟動我逸興幽由來出倫材
美脩原可求詩情烏雲飛字法龍空游適然成三絕展
卷不忍收曾聞白雲亭高躅傳郭休亦越浮雲詩閒澹
憶蘇州古人渺其遠誰能勝一籌正如彼行雲踪跡難
延留雲留固已佳與之偕由由雲去亦云得絕無得失
愁虛堂清晝閒無夢尋莊周拈來一賡韻詎論工與不
惟以紀時日乾隆丙寅秋

六月晦日作

炎景餘今日流陰尚屢遷
山容辭夏去樹色向秋偏
石白將欺蘚波紅有敗蓮
何須歎代謝旋轉自年年

七日朔日

素節新秋始晚涼
急雨過看雲成薄絮
臨水有微波歲
月倏分半光陰迅幾多
西山凝望處一桁列烟螺

秋花

夏日種秋花秋來花已發
輕霏池榭烟澹映楸梧
月瑣碎黃金瓣丁星紫玉
枿裊風態猶弱飲露香愈
醇誰云

金令肅饒有生意活

題秋扇

色疊銀雲似形懸壁月同寒來將棄置莫漫引金風

賦得秋日懸清光

秋月剛臨孟義車趁快晴麗天欣耀爽懸宇怡揚清離
以暄為德時而暘則亨軒墀消溽潤簾幙益晶明晃處
金颺蕩晞餘玉露輕如雲黃漸染顥若對西成

討源書屋秋曉

窗納寥天淨片雲
山容水態恰全分
朝來底事秋光轉
一夜西風枕畔聞

蟬響蛩音各有情
樹間浙瀝重淒清
自從讀罷歐陽句
有興無須更賦聲

從來秋色令人靜
况復山齋清且閒
目窮宇外隨雲去
心在林間共鳥還

玉露金風一寫之
分明秋景乃如斯
凭欄自適還自問
識得分明者是誰

眉月

時七月
初三日

西宇哉生露淺痕似羞夕照盼黃昏顰來西子剛餘半
畫出張郎不可捫窺鏡暫低光有暈學山欲就影猶存
黃姑屈指銀河畔曼睂凝愁正斷魂

御園新秋

樹色溪光靜且佳颯然秋意到閒齋巢梁風裏全無燕
篆壁雨餘時有蝸青鳥未傳瑤島信義車猶駐挈壺牌
日暄風散符金令佇待西成已愜懷

玫階簇簇發秋花，微遞清芬飽露華。
今古常醒風月夢，朝晡幾報蜨蜂衙。
澆書瀹茗燃枯竹，撫帖臨池翦綠芭。
消得閑農眉略放，澄心味道足生涯。

無悰

無悰匪我獨，無悰詩裡西崑昔。
有蹤望遠升高渺，何極朝雲暮雨竟難從。
拳帷對處穿林月，歌枕聽餘咽蘚蛩。
乍為新愁到秋切，却牽舊恨入懷重。

秋晴

春晴令人愁秋晴令人喜年年秋復春安能彼易此愁
春晴偏多飛塵暗桃李喜秋晴則鮮霖雨病糜芑今歲
冥厚幸夏初甘雨美自是常適均原隰徧疑疑茲乃孟
秋月宜暘念無已昨夜細雨零詰朝雲勢駛方虞辜望
歲倏忽西風起徂雲無留蹤氣爽天高矣秋蟬亮其聲
閒花繇厥蒞憑軒有餘樂拈吟聊復爾嗟予望蜀心矻
矻何時止自訟還自憐近臣安喻是

金風玉露夕天淡雲閒時好景適然耳新秋一賞之候
仙嗤妄想乞巧懶陳詞萬古永相望吾懷工部詩

鄒一桂春華圖

姹紫嫣紅態不同艷陽庭院綺羅叢寫生偶覩清卿筆
寓意因思庶子風

鄒一桂秋艷圖

西蜀未吟傳杜甫東籬兀對想陶潛淒清自領閒風露
不作爭時與附炎

新秋月

向晚散翔雲舉首見新月
借助露華風隱映桂香窟引
弓猶未滿較眉畧已濶
清景會今宵寒光送天末
即事憶年來拈髭逸興發

秋夜泛湖依舊作賦唐文皇爽氣澄蘭沼詩韻

新秋雖覺爽朝暮餘清爽
鑑湖渺澄碧太虛涵萬象
西山倒影來螺紋如指掌
至理在天地妙契歸俯仰

常懷唐文皇致治亦云既
其對杜淹時猶云可諫未即

此延訪心豈恃九重貴五字景物詩一派中和氣
文漪霽靄澄荷芰露華凝靜觀心似鏡涼覺月如冰光
景原堪掬清幽已不勝且閒吟倚興盡舫暫教登

岸影全消漲沙痕乍露灘好題拈水月香氣遞風蘭竭
詠前秋句因同今夕觀如如孰來去聊以適清歡
蟬聲尚戀梧蘆花已貼沼光陰迅若茲安能假分秒良
夜正悠悠佳景吟了了漏下玉繩低素娥抱孤皎

石頭城

石頭城表粲死褚淵生石頭城死非死生豈生直筆無
須南史來後世此風何其衰民之秉彝好懿德子野作
傳空復材

讀史

晏子為齊相駟馬駕高軒旄旗夾兩途大蓋擁其前御
者尚揚揚意氣甚哆然乃其自不足深心在式轅智哉
御者妻識之闕門間讀此可自警匪為嬰薦賢

倚楹

暫遣幾餘一倚楹
踈梧遶榭早秋清
輕雲不勝西風力
讓與金官作快晴

秋光

物色傳金令天心現白藏
懸來惟碧宇暴處以秋陽有
水皆澄澈無山不鬱蒼
寒蟬柳陰咽丹桂月中香
鴈矣觀斯靜誰哉畫可方
高樓一縱目滿意挹清涼

掛劍臺

仗劍適千里安可暫離身
即使徐君求亦將此義陳
徐

君知季子季子知徐君不道使車迴乃作泉下人解劍
掛樹間牢騷難具論但謂踐信義未識吳王孫

中元即事

裏雲幾縷碧空收銀渚低垂露氣浮貼沼光分金炬燦
傍階叢艷錦機稠流陰漫比駒馳速佳景聊將綺思酌
欄外桂花微遞馥中元巧借作中秋

放生

魚喜江湖鳥喜天物各得所性自全意欲愛之乃害之

適如鰕魚之獺鰕爵鷗嗟哉煦煦為仁流放生之事於
是傳市井小兒謀利巧深淵取魚樹羅鳥持鬻街頭供
放生猶然自咎所獲少剛幸九死得一生駝喙未定魂
猶驚因緣仍復遭網罟終為几上之菹釜中烹君不見
自從人好行小惠林泉之物乃少全其類

觀河燈漫成三首

巧處人偷造化權紅蓮開盡燦金蓮誰知寸燭風光裏
又放秋蟾一度圓

玉露金風滿液池
孟蘭聲裏絳河披
燈前曾得傳新旨
去歲今時又所思

漫言濟度傳西竺
且看光明普大千
仙術無須矜祕密
人人火裏種金蓮

秋蟬

飲露聲纔潔
因炎噪略騰
隨時物皆爾
自立汝何曾

熱時七月
十八日

孟秋月過望
祝融御早旋
況度處暑節
殘暑應已蠲
邇

日熱稍劇轉覺苦歎煩炎官恣婪尾白帝疑無權輕風
縱送爽赤日勢正暄亦知匪久長有如深春寒時令苟
不協孜孜心鮮安或謂借鬱蒸堅好益大田今秋兆已
佳宜暘獲倍焉或謂當秋熱恐有疾病人叶已嫌意靡
適更聽言兩端至理契中庸因悟為君難

秋海棠

不與春光爭艷冶却教秋圃擅風流輸他江氏三分白
借已楊家一半柔斜倚井桐紈影動低臨池水鏡光浮

寒蟲唧唧清宵永彷彿金籠玉枕頭

無題

吟成枕畔權教讀題向愁中許共知樊素朝雲具神解
應留二老惜春詩

秋雨

微覺炎官去復旋即欣好雨暑全蠲恰如曲意隨人意
都道今年定有年綠洗井梧疎別院響增瀑布掛前川
晚荷得氣餘香遞便與橫塘放舸船

秋窗一夜聽廉纖
倚曉珠絲尚滴檐
借助有風皆送爽
思量無雨那驅炎
獨憐蛩咽聲依榻
空負葵傾色映簾
既雨宜晴晴亦好
但雲微露遠峰尖

披襟遶院涼
蕭瑟縱目溪山景
靜嘉最喜黃雲徧
禾黍更教膏澤逮
蔬瓜閒鷗眠
裏烟波濶
乾鵲鳴中夕
照斜却為年來勤
望歲較晴量雨略
無差

爽

秋雨晴宜速
金風爽更佳
無須團扇引
漸覺袷衣諧
日

影侵階際沙痕露水涯三時塵望歲此日稍舒懷

直隸總督那蘇圖奏進禾穗長尺餘宣示廷臣詩
以誌喜

牧臣朝進玉禾攢瑞比金芝帶露溥盈尺纍纍誠滿意
一時濟濟並傳觀從茲可望倉箱積况復無須租賦完
朕降旨輪免天下正賦直隸今歲初在普免之中却與張公同一喜吟餘園粟
為加餐

晚荷

晚荷弄餘芳，搖曳臨秋池。微露縱有意，承暉覺無姿。西
皞令肅若南國，香銷分美人。寂不採騷客，誰為題似懷。
紉扇怨如抱，涼蟬悲颯沓。振清籟，疑唱秋風詞。偶披雅
圭傳，名言頗似之。湛靜安舒者，亦戒於後時。

日影

靜聽花叢促漏，簫笛俄看花影上。簾櫳光陰駘隙，有如此
壽夭彭殤一例中。獨喜蕭齋延朗照，且舒曠志附高空。
讀書秋日欣清暇，理窟何曾得易窮。

夢中得詩二句醒而猶記因命董邦達畫之以成

一章

雲時山覺溼風處樹生姿宣付詞臣寫端成畫裏詩

七月二十八日命駕進宮時屆西成抵京協慶憑

輿縱目斐然成章亦歌其事云爾

玉露被町疇金風颭旌幟六御向金闕千隊陳車騎黃
雲紛夾途珠顆累垂穗寔堅復寔好既銍亦既艾力田
更逢年惟農勞所致念自春徂秋孜孜常塵意屈指西

郊路往還歲數四籌量雨與暘一刻安能置復慮泰與
稻高下難全脩覩茲大有收喜出人擬議租賦庶無慮
倉箱差可積憑輿稍洽懷敢詡豐登瑞十畝而一豐獲
榮以為愧

桂

愛此招搖種紛敷郁烈芳葉翻遮戶綠花散逗林黃夏
半迎薰秀今夏有早桂之作秋分裛露香擬增新品格月木駐

年長

八月一日

雖是中秋月猶欣秋未中
露珠圓漸白蓼穗亂餘紅
蛩響如爭候雲容尚戀空
田家新黍熟處處遍香風

月兔

月兔爰爰桂樹邊
廣寒輪廓遍三千
豈知放眼青天外
極大圓中一小圓

漫題

八月二日

玉露金風杳殿隈
儒臣奏進講章來
放朝早下三聲漏

却為經筵御論催

復聞淮海所屬州縣被水亟命地方大吏加意撫
恤南顧惻然因成長句

淮海伊古稱澤國邇來災祲何其多壬戌大浸民其魚
屈指五載曾未過今秋淮黃乃竝漲魚行於地鳥處河
白日鎮見蛟龍關當秋安得倉箱羅草根薦為盤上茹
守臣所奏非傳訛嗟嗟災餘我赤子元氣未復將如何
倉粟庫帑爾莫惜溝壑待救難蹉跎賸焉顧之潛焉涕

我政有失垂天和

王紱古木叢篁用畫間題者韻

澄心一幅淨如空古木數枝態作風
寫出不須邀白帝
最構參處足秋容

文石踈篁間偃柯更教幽徑帶烟蘿
倪黃作者法猶在
衡泌詩人意幾多

宜人竹樹稱雙清張處高秋靜意生
我欲相將歐學士
含毫一為賦其聲

夜雨

浙浙霏霏入夜連如絲如雪復如烟農家水碓舂秔稻
園客簾籬護菜田幾陣秋聲來枕畔一番寒意到窗前
淮南陡憶災餘處急雨淒風倍可憐

偶讀杜子美存歿口號因題

鄭虔畢曜吞聲久曹霸席謙有所思豈識劍川杜子美
只今惟剩兩行詩

仇英畫馬

不知誰向車前識應有人從窓內窺乍憶黃沙紫塞外
正當草淺獸肥時

秋仲丁祭日詣上書房

至聖前行禮

萬古生民首千秋祭典光攝儀專國學展禮詣書堂言
念承

宗社何曾致治康徘徊講筵側惟覺愧宮牆

秋祭

社稷壇

祈報遵先制度寅倍已增豐年振古慶

神貺信今承

直隸今年秋收豐稔何莫非明神之賜耶

祝史辭無忝

帝觴露正凝燎烟霏起處晴旭怡東升

題唐寅山水人物畫冊十幀

探梅

香雪叢中小立遲背携殘卷意何為前身應是楊无咎
默識精神一譜之

騎牛

長松之下野溪濱牛背居然見若人吳趨解元多識

去聲

古不知為甯抑為陳

漁蓑

漁師緣底愛烟波
笥裏魚租沽酒多
萬事浮雲與流水
一身雨笠更風蓑

林卧

寄傲何人此晝眠
長林豐草性相便
翛然無事鼯然適

莊蝶不教到夢邊

觀瀑

飛流無底上無天
護以雲容縹緲間
伯虎偶然臨墨沼
青蓮重得對廬山

蘆艇

水淺無妨且泊之
西風明月荻參差
最欣逸士詩中畫
貌得郎中畫裏詩

秋砧

永巷楸梧漏月明
長秋宮裏發秋聲
不知班女拋紈扇
彼此金風多少情

聽濤

落落疎松臨斷岬
濤聲直與泉聲亂
却如叔夜宿華亭
黃緣傳得廣陵散

寒眺

何須繞樹歎無枝
正是飛還鳥倦時
獨倚寒林聊縱目
遠山重叠夕陽遲

歸旅

寬宿鳥棲楓柏穩
趨歸人恨路途長
晉昌筆底饒禪偈
為悟匆匆名利場

仲秋即景

禁樹靄秋烟
宮花濯錦川
行看端正月
恰對沈寥天
香遞皋塗種
詩懷玉局仙
西成稍慰志
時節授衣連

文徵明山靜日長圖

淡墨疎皴真不真
惟欣對處靜無塵
草成玉露有佳話

韻寫停雲自主人溪水鎮如廣長舌澗松已作老龍鱗
東坡最是齊年者乃較區區百四句

子美集中凡可以入畫景者指不勝屈雖亟求其
近似不能也因成斷句以自哂

無心得句皆成畫刻意求工豈是詩陶冶性靈聊復爾
準繩今古寔於斯

宋瓷琴

甌額恢恢太古器形模不假雷霄製易漆以陶豈無為

我於重華窺其義諫者十人爭小事不如渭汭初所試
焦尾斷紋渾可棄五絃七絃惟汝置元音澹泊從茲嗣
譬如佳美面之粹冲以內養無火氣

文徵明谿山深雪圖

山陰舟舫凍溪邊尚有泠泠瀑水懸此日料應王逸少
倚窗停筆望江天

沈周盆菊圖即用其韻

圖中生面開秋意鎮相催籬下香盈把霜前酒當杯畫

詩皆可入蜂蝶豈容猜展卷清吟處重陽得得來

時中秋前

二日

秋日翦園蔬賜大學士并內廷翰林等蔣溥為十
疏圖以進并系以詩因用其韻荅之

植援拓圃驗生生玉莢紅芽雨後成湘篚不妨供下箸
野苓聊藉樂吹笙

秋烟籬落靄斜暉分賜還教蝶伴飛藜藿應須知此味
膏粱底用羨他肥

論宗樂志淡而奇味道端知甘勝飴譜創十蔬多別致
豆棚松架入新詞

空傳蒲萐扇堯厨蔬穀從來勝玉珠文翰侍臣偏領畧
幽風七月早成圖

中秋日侍

皇太后宴

纖雲不惹絳河灣萬里原同朗照間潤滿金盤臨月裛
香飄丹桂向風攀信知佳景邀

慈豫奚待仙方駐好顏玉塞珠宮無近遠

去歲待宴於塞外

壽

觴一例獻

南山

中秋即事

銅臺初下玉壺籤傾首長吟更仰瞻輪到中秋無限滿
興惟此夕不期添影依雉尾纔銜闕光裊麟毫乍入簾
伊古誰曾來月窟紛傳玉兔與銀蟾

擬中秋帖子詞并令內廷翰林等和之

有序

金祇行政素昊司時蟬噪風秋臺上律披閭闔鵲
飛月曙樓前鏡對婣娟于時有象西成倉箱叶萬
千之慶無邊佳景團圓正三五之宵露滿芝盤鵲
鵲高而玉繩低影氣澄蘭牋鴛鴦敞而丹桂飄香
不須絃管吹開所喜篇章遞進宜春綵帖體反蘇
家儼直金鑾詞懷韓氏爰成四什各賦七言

風月今宵非等閒等閒風月總須刪南極六星臨北闕
西華一鏡掛東山

底緣覺得好風光
桂影婆娑華黍香
試想去年蟾窟景
一秋毫分不曾佳

閭闔節物驗嘉師
圓餅雕瓜入好詩
太液秋風激金穀
不須重拓影娥池

璇霄珠露五雲樓
可識春光也讓秋
試創玉堂新事例
擘箋催進月詞頭

漢玉牛

不箱而服犁而耕
誰賦爾質玉人能
丙吉問罷即肖形

尚疑望月年然鳴奏刀無懼於庖丁試看駢角為犧牲
汝獨樗也不和羹短尾秃速腹彭亨清泉白草心無營
導食有術仙方成騎過函關一樣青

題文徵明松陰高士圖

松陰趺坐兩高人想見王裴心跡親常占青山為宅寄
奚煩綠水滌纓塵手披圖畫聊同賞身被詩書未是貧
問絹家風重鑒定

圖中有文嘉鑒定真蹟

縹香墨潘鎮如新

八月十七日登白塔山悅心殿理事餘暇輒成近

體用舊作韻

飄影留痕在碧空憑高秋色目堪窮綺疏映日垂珠綴
飛觀連雲曳綵虹灩灩玉河波始動灩灩金掌露方融
悅心此日知消息都在西成茂對中

秋日承光殿

雲窗號閭風壁殿學蟾宮擬向姮娥問輪奐是異同
古風披壽栢秋實進仙桃玫瑰階思載厚蔽宸惕居高
賦得太液秋風

秋容入液池水面得新詩始向蓮根漾徐從蘋末吹過
橋低玉練度浦閃金漪魚躍疑迎爽舟行忽忘遲來兮
更何自逝者乃如斯恍憶洞庭上微風葉脫時

仲秋瀛臺

風光澄碧宇秋意入新詞花木自為景山川亦識時紫
烟浮曲榭白日颺遊絲鶴顧梳翎影魚吞在藻漪幾閒
方適趣年有更勤思獨憶淮揚郡怍然心不怡

太液池泛舟

菰蒲蕭瑟颭秋烟
玉螭橋邊偶放船
俯數游鱗圓沼澈
仰觀迴鴈朔風傳
劇憐西昊清涼候
勝讀南華十七篇
物物義經真易簡
天機豈待悟魚鳶

雨

晚荷收始畢
宿麥布將齊
勤動憐終歲
廉纖喜一犁
溜聲寒淅淅
雲氣渾萋萋
高閣遙傳漏
吟懷觸處題

文徵明曲港歸舟圖用畫間題者韻

野艇不須收
烟波任拍浮
得詩緣即景
適性且隨流

山泉雨後生飛下白雲橫留得匡廬意青蓮策杖行
憑欄聊極目灌木綠陰稠寄語披蓑者源中可放舟
山勢條斷續雲容鎮滃浮漫嫌沙水淺且自泊孤舟

仲秋經筵

宿雨逗輕烟秋陽暘碧天文華開廣殿今日啟經筵濟
濟駕班列彬彬玉案前研幾窮理窟味道晰言筌一意
期無逸同心慶有年豈惟遵典制端以溯心傳

早菊

未至重陽節先看隱逸花隨時心匪競對爾意偏遐色
借露華潤香分桂影斜主人羞五斗不肯報蜂衙

張宏松崖水閣圖


戶庭不出意如何消受烟雲供養多
叟叟松風來澗口
蘇門嘯谷葛天歌

沈德潛給假葬親詩以餞之

我愛德潛德淳風挹古初從來稱晚達
差未負耽書方
藉通元筆胡懸韋孟車其如感風水暫許返林間南國

欣歸陸東門漫擬疏江鄉春興懶能不憶金除

御製詩初集卷三十四



總校官庶吉士臣侍朝

校對官庶吉士臣羅修源

校對官編修臣朱攸

謄錄監生臣吳錫綵

謄錄監生臣竺昌基

欽定四庫全書薈要

集部

御製詩初集卷三十五

六

詳校官原任編修臣徐立綱



欽定四庫全書薈要卷一萬三百八

集部

御製詩初集卷三十五

古今體五十首

丙寅七

歲在丙寅序行金昊有秋叶慶景物咸和敬稽

皇祖時曾舉瀛臺錫宴之典宗親咸與爰循舊制集王

公宗室等於八月二十七日瀛臺宴賞用展周

親因成三律

露色煙光靄禁垣昌辰嘉宴會親藩穀登萬寶真成瑞

菊先重陽已泛樽拂檻龍蔥木有本拍堤汪濊水宗源
何須禮數拘酬酢同是

神堯膝上孫

是日并召朕同行
弟兄無爵者亦逮

雁齒紅橋玉影明壺天縱目儼蓬瀛拂招林牖風光美
負帶煙霞景物清笑語從容伯兮叔獻酬交錯弟於兄
一堂敦睦家人吉却陋山河帶礪盟

綺疏晴旭麗瞳矐樂事天倫和氣融徐進雕槃瓜有徒
繇滋釗砌樹連叢情抒共許飛吟管興洽偏思駐漏箭

行葦歌成欣既醉高秋樓閣靄春風

是日宴間復成六韻

秋烟靄顥空晴旭上宸楓情濶十年久

朕御極十年矣因循未得與近

支昆弟羣從歡會今秋西成萬寶適以在官始開宴於瀛臺云歡殷一日中螽斯歌捐

捐是日與宴者凡百人其有事未至者尚復五十餘皆皇祖親孫並曾元也燕喜樂融融

乍可方觀梓何須待翦桐銀潢無玉葉

祖德與

宗功

聖日高懸處承恩膝下同

我

皇祖時曾集大小臣工於瀛臺宴賞甚盛典也茲因西
成豐稔百物蕃昌於八月二十八日賜宴公卿
庶僚於瀛臺以昭繼繩宣豫之意得詩四首并
示諸臣其欲賡韻者聽

趯陂鵷侶接鳴珂霽宇空澄氣色和共喜向筵開早菊
多緣紀歲得嘉禾柏梁臺畔騰牋集仙萼亭邊載筆過

緬想

虞廷傳盛事颺言何以繼賡歌

鏡中樓閣五雲稠皎日揚輝素景浮湛露詩成天酒下

慕蕭樂作徵招流曲江早獻千秋鑑梁國還登太液舟

三世方明陪御賞

大學士張廷玉之父曾侍
西苑宴賞今與其子若霽共陪此會

皇祖

亦盛從教佳話冠螭頭

事也

璇霄猶覩曉蟾娟濟濟冠裳擁慶煙丹粟香中陳桂醕
玉山頽處酌瓊筵崇牙徐聽鈞天奏高閣遙聞畫漏傳

此日含毫多沈宋昆明漫數景龍年

龍蔥雞樹翠華留相悅君臣共唱酬
鎬上宴開惟卜畫樓前醑賜正登秋
在陰鳴鶴方靡爵樂蓂遊魚不避鈎
試問彬彬玉堂客瀛臺然否即瀛洲

秋日瀛臺集臣工宴賞既仿柏梁體聯句復召大
臣及內廷翰林等三十八人用唐臣李嶠侍宴
甘露殿詩為韻依前歲翰苑故事朕成首什及
末章羣臣以次分賦

蘭舟玉螭風珂馬金黿月令日秩威儀文筵盍簪笏
皇祖垂芳型元臣會華髮旨酒於以柔晚香猶未歇拈
詩得李嶠成序懷王勃申咨山甫儔其何補袞闕

白藏昌百嘉西苑駐重牙翔鳳

閣名

馥香穗遊龍

舟名

捲浪

花喜因歌黍稷政可問桑麻水影含橋直山容入座斜
杯浮漿是漉盤進棗如瓜侍宴詩成處還看飛暖霞

賜宴後懋流杯亭集臣工四十五人聯句用十一

真韻

御製載溯九經義肆筵百爾臣寮天懸朗日

瑞露湛清晨歲稔叨

天貺民康賴

聖仁冠裳欣濟濟

臣張廷玉

禮樂彬彬在藻魚心樂依松

鶴意馴林英敷鈎砌

臣福敏

柳影拂絲緡允矣光而

大其如愚且諄座中鳴玉珮

臣陳世倌

苑外襍朱輪既

愜歌多稌惟應祝大椿民風真樂愷

臣史貽直

物候盡

平均杞梓無遺用芻蕘亦並詢農祥占上瑞

臣劉於義

御製禊事學春辰勝會方亭午佳辭論受辛許扶靈壽杖

大學士張廷玉福敏皆年逾古稀是日並許扶杖而行

容接綺羅袍

令典方逾甲芳筵再啟寅境開仙籞勝

臣梁詩正

地與

禁垣鄰遠嶼明霞纈層欄曲徑循雜花憑點綴

臣王安國

老樹

鬱輪囷葉墜黃飄袂泉飛碧繞身鴈書天帛字

臣彭

維新魚織水紋糾亭迥雲陰矗廊紆竹裏巡綠房低

未折

臣阿克敦

朱實綻初勻萍斂纔通舫枝欹欲碍巾

菊芳杯共把

臣汪由敦

御製蘭秀佩堪紉水態澄金練山容聳碧岫華林底試馬

郊輶已遊麟蕩蕩皇圖遠平平王道遵豈惟榮李

嶠

臣蔣溥

莫漫擬王珣高翥

翔鸞閣平飛畫鷁輪履豐歌有慶

臣德齡

錫福被無垠似

雨懸淙急如螺列嶂皺卿雲歌縵縵

臣歸宣光

螽羽願

洗洗淞渠趨瑤嶼沿洄達玉滑履隨百辟列

臣塞爾赫

策紀萬祥臻麟弄惟同植琴材不棄槁開筵迎綺

旭臣彭樹葵

御製縱目向蒼昊進退多魚雅威儀更秩旼何須三爵限

行看萬方臻紆綬多黎獻彈冠到隱淪遶亭泉灑

灑

臣鄧鍾岳

依樹石粼粼寶篆噴蘭麝祥煙擁枳板惟

應戴高厚

臣陳惠華

何以迪忱恂跨遠吟蒼枯吹香起

白蘋疎荷侵鏡面

臣王會汾

細草藉船唇直到星辰上

疑浮渤澥濱藤緣依石瘦

臣錢陳羣

葵喜向陽新郅治

符清宴良材盡選掄百僚欽穆穆

臣涂逢震

御製羣彥會閭閻何異登瀛島空傳會玉津聞泉太古樂

相馬九方歎殿角雲凝紫簾鈎月掛銀颭風旗灼

爍臣介福曜日隊玢璘舜樂還堯酒金聲復玉振寒

芬岩補隙臣張若靄滯穗苑餘畛野鳥隨仙棹風鳥倚

禁闥拜稽寬禮數臣沈德潛觴詠率天真授簡紛抽祕

飛豪捷有神洪源探溟滓臣孫嘉淦遠派導峨岷妙挹羣言

液傳觀衆目眴

恩波流曲水臣梅穀成

御製和樂燕嘉賓石罈飛瓊沫蓮根葺錦鱗蘭亭思筆健

興慶陋時屯幸被

榮光渥均叨大治甄登仙壺共嶠

臣雷鏐樂

聖笑無嚔水濺賡珠玉颺迴憂簞筥和遲窮窈渺

臣嵩壽

韻窘屢逡巡研啟端溪鶴毫濡東郭魏剡藤牋膩

粉

臣劉綸

華井藕雕璫索筆憑書柿和羹試采蓴琳

瑯

天府閔

臣徐烜

礪砢上林珍香氣霏蘭茝清音殷鼓鐔三

山應不遠

臣嵇璜

御製一鏡宛平陳樂歲真堪樂塵心豈復塵歡言歌既醉

風物信含淳地近長依日風和別盡春周遭欄是

畫

臣裘日修

高下砌皆珉塔遠掛霄漢湍奔激殷轉垂

虹分水鑑

臣鄒一桂

飛瀑耀天紳信有凌雲意而非玩

物倫葭蒼遙瑟瑟

臣吳應枚

莎碧淺灼灼狎浪鷗眠穩

盤空鷹眼瞬界寬呈爽豁

臣于振

機靜悟淵齋靈鷲

苔紋篆文禽錦翼伸臨流襟抱淨

臣陳邦彥

御製對席笑言親酣馥淮山桂琅玕淇澳筠來遊重伴與

振雅郁璘斌筆戰榮今席永嬉記昔因雕華承

寵錫

臣董邦達

溫綽聽重申靈囿原同樂衢樽况飲醇丹鉛絳帙麗

臣張

泰綵絲純魴貫枝板柳鮮分筐織篴華墀陳

開纍纍

臣德保

瑣闥捧跋跋前歲新瀛署

殊恩迨吉人

典緣優作楫

臣蔡新

意乃錯翹新幸際豐亨會重叨燕樂

頻攝衣攀玉磴

臣周長發

御垂餌曳銀綸苑令供秋棗伶官奏夏鈞周行誰示我製

嘉樂自宜民瑞靄凝

雙闕甘膏遍八彙來儀聲噦噦

臣陳兆崙

於牧尾莘莘為想

涇舟楫言瞻旱麓榛

鴻猷隆紹述

臣陳大倫

樸俗樂伋伋高宴應追漢仙源詎數

秦優俳嗤彼朔

臣程景伊

詰屈愧臣姓

萬壽連佳節重陽近浹旬秋行方皜皜

臣金甌

陽氣更磧

磬紀盛輝金管承

恩仰紫宸賡颺今復覩

臣朱佩蓮

御製喜起叶吹豳

惇叙殿柏梁體聯句

御製筵開惇叙欣同堂

顯承

祖烈宣重光

和碩康親王臣巴爾圖

於赫

放勲示典常

和碩履親王臣允禩惟

聖時憲邁陶唐

和碩莊親王臣允祿

重熙累洽符成康

多羅慎郡王臣允禧

敢如公旦陳不覆

和碩誠親王臣

允祿 紹庭肯構敬日強

和碩和親王臣弘晝

時享

太室懷秋霜

和碩果親王臣弘瞻

樂具入奏陳羶薌

皇長子臣永璜

假思

降嘏福穰穰

皇三子臣永璋

君為臣綱父子綱

皇四子臣永璘

序

親協族覃德洋

和碩顯親王臣衍潢

時維八月屆白藏

和碩怡親

王臣弘曉 瑞凝仙掌零露瀼

和碩裕親王臣廣祿

穀登萬寶真吉

祥

和碩恒親王臣弘旺

詔賜家宴宴宗潢

多羅信郡王臣德昭

歡生棣萼與雁行

多羅平郡王臣

福彭

不須趨駕來從梁

多羅順承郡王臣泰斐英安

屏翰之寄愧

莫當

多羅淳郡王臣弘暲

以奠磐石成金湯

多羅理郡王臣弘瞻

於萬

斯年景祚長

多羅寧郡王臣弘皎

樂善願效東平蒼

多羅愉郡王臣

弘慶謬廁五等心徊徨

多羅貝勒臣弘明

吉日庚寅時維良

多羅貝勒臣球琳

溫暾朝旭上扶桑

多羅貝勒臣永恩

曉蟾留影

光微茫

固山貝子臣弘景

金根迤邐下闔闔

固山貝子臣弘寵

西

苑匝西園紅墻

鎮國公臣弘昉

途閣雲曼繚迴廊

輔國公臣弘曠

廣廡窳窳連曲房

輔國公臣弘曉

映祀菊英綻冷芳

輔國公臣

伊爾登

垂垂金粟西昊糧

輔國公臣塞爾臣

坡有蘭茝吐有

莒

輔國公臣九如

秋風太液困汪洸

輔國公臣恒祿

爽澄瑤嶼奏

微涼

輔國公臣松椿

鳶飛魚躍水雲鄉

輔國公臣永璫

金鰲橋畔

飛仙艍

輔國公臣永瑞

樓船捩舵擢歌揚

輔國公臣逢人

朱簾繡

柱其鵠黃

輔國公臣吉存

彼岸不須一蒂杭

輔國公臣誠寶

園名

豐澤塏向陽

輔國公臣興寧迎

鑾雀躍瞻龍章

輔國公臣斗保

徐隨

天步染御香

鎮國將軍
臣弘昂

瑞雲鼓擁

龍衮裳

都統兼散秩
大臣臣弘暄

伯叔兄弟躋蹌蹌

奉國將軍
臣弘泰

斯皇

朱芾珩有瑒

應封宗室
臣弘寧

觚稜鳩鵲輝晶芒

應封宗
室臣弘

富

慶雲五色籠楣柰

應封宗室
臣弘甸

肆筵授几

黻座旁

應封宗室
臣弘融

方枳三奏鐘鼓喤

侍衛宗室
臣弘映

填篪相

和鳴丁璫

侍衛宗室
臣弘吟

鼓我舞我虞趨趨

侍衛宗室
臣弘响

憂彼雲和彈八琅

侍衛宗室
臣弘炯

引商刻羽低復昂

侍衛

宗室臣

聽音非聽其鏗鏘

宗室臣
弘炳

大官九醞富酒

漿

宗室臣
弘敏

六清醯醢醢醢醢

宗室臣
弘眈

君子有酒

酌言嘗

奉國將軍兼
侍衛臣永珏

嗤彼酤我語過狂

奉恩將軍
臣永琚

盤擘麟脯設菰梁

奉恩將軍
臣永慶

載精瓊糜以為粳

應封

宗室臣
永珏

招搖之桂南夷薑

應封宗室
臣永馨

飴餒餗餗餗

餒餒

應封宗室
臣永璠

嘉魚麗留鱗鯉魴

應封宗室
臣永忠

敦彼

行葦戒牛羊

應封宗室
臣永恕

敦弓四鍤厥禮詳

應封宗
室臣永

修醉酒飽德歡無央

應封宗室
臣永興

上方織貝承以筐

應封宗室

臣再拜進

臣永璧

萬年觴

應封宗室
臣永璚

如山如阜復如岡

應封宗室
臣永恬

綿禧延

祚歌有慶

應封宗室
臣永珂

俾熾而昌壽而臧

侍衛宗室
臣永莊

天家盛事垂無疆

侍衛宗室
臣永璞

爰笑爰語近

御床

侍衛宗室
臣永璽

二曹八荀奚數量

侍衛宗室
臣永榮

鶴鵠成頌

笑三郎

侍衛宗室
臣永泰

樓輝花萼僅五王

侍衛宗室
臣永碩

視

茲鸞鳩槍榆枋

侍衛宗室
臣永璿

敦睦篤叙

聖澤滂

宗室臣
永信

瞻彼洛矣水泱泱

宗室臣
永豫

天地明察神

明彰

宗室臣
永瑄

太和遐覽將儀鳳

宗室臣
永寧

潛魚頡而

飛鳥旂

宗室臣
永存

惠鮮懷保民胥

宗室臣
永托

家有種

穗千萬箱

宗室臣
永玕

歲登三鬴充囷倉

宗室臣
永文

展親

宴衍以倡佯

宗室臣
永璿

於胥樂兮和而莊

宗室臣
永安

自

今家法始我

皇

宗室臣
永晉

載飛

天藻雲龍翔

宗室臣
永珀

追琢其章金玉相

宗室臣
永敦

元音不

約宮與商

宗室臣
永崑

振振公族胥賡颺

宗室臣
永獅

迫窘

詰曲慚東方

宗室臣
永瑋

雍容玉砌陪珪璋

宗室臣
永義

同

姓五十聯珩璜

宗室臣 永聰

遠軼姬周增輝煌

宗室臣 永達

異數得與悅以慷

宗室臣 永行

和樂且耽樂無荒

宗室臣 永定

中

心藏之何日忘

宗室臣 永珩

願矢維城勉匡襄

宗室臣 永順

昭明有融斐令望

宗室臣 永珩

教忠教孝奚酬償

宗室臣 永

懋本支百世萬葉昌

宗室臣 綿慶

重陽前五日作

香山早訂登高約御苑黃華復放馨況是去年詩未賦

還教朔塞意為停

去年塞外行圍有重陽無菊之作

潤餘芳愛擎珠顆

態最幽看標鶴翎那更無言記時日前題歷歷數曾經

香山對月

時九月
上弦

對月最宜秋此言良不易已去三之二流光迅過隙雲
卧有夙志月宿乃今昔是境復是時誠哉不易獲縱未
滿尖角已自懸半壁清光不可捫峭冷誰能迫山靜鶴
聲暢風定泉影白松竹無改節亦復銀雲碧妙參無色
天安得心神役

沈德潛為其父請封陳親遺訓聲淚俱下此所謂

終身之慕乎甚嘉憫焉從其請而賜之句

書笈舊行衰逝將返故鄉成名髮驚白錫類詔膳黃奚
用悲寥落應知遂顯揚斧丘陳奠處不愧教忠堂

題曹夔音仿曹知白雪景

知白信知白今曹摹古曹筆端銀世界詩裏玉波濤瀑
水聲偏弱喬松勢越豪
家都不管兀自醉羊羔

絢秋林為香山二十八景之一深秋縱目紫翠萬
狀因悟杜甫絕壁過雲之句非身歷其境者不

能得也

後勁金行信不虛試看霞綺纈林廬設無警句詩難稱
便有名工畫豈如颯沓風中人度語櫺櫓煙外雁成書
谷神三命應無忝赤黻蔥衡振紫裾

重陽日奉

皇太后香山登高

名山初試菊花筵

香山雖常臨幸而九日登高則自今歲始之

九日登高古

所傳扶

輦不知霜巘迥捧觴剛似夜珠圓丹青勝處禽銜翠紫
碧堆中鹿呌煙智者樂兼仁者壽長承

慈豫萬斯年

香山登高之作

帝都形勝地屏障惟西山香山尤特出雲峯爭鬱盤適
當三秋序萬壑紛青丹珠玉灑絕壁錦繡排橫巒呦呦
鹿過澗栩栩蝶抱蘭我来亦云屢此景曾罕觀登高古
所云捨此於何焉額手慶西成縱目覽全燕莫囊與菊

酒例事都可刪大易數紀九所重在體乾字內孰最高
君位實次天以予渺渺德重任奚仔肩高以下為基人
以情為田觸景有會心匪止吟詩篇

過蘆溝橋

薄霧輕霜凜秋行旌復此度蘆溝感深風木暎逾歲
望切

鼎湖魏易州曉月蒼涼誰逸句渾流縈帶自滄洲西成
景象今年好又見芃芃滿綠疇

良鄉塔

穹窿率堵夕陽間高入天風勢莫攀建此何年多寶塔
對他終古愁題山

石經云一名愁題山去縣城三十里

拈來過客方成句

定後高僧正閉關幾度望中頻結念香臺安得伴雲閒

柳

山村看掩映驛路辨微茫向晚烟猶重當秋色漸黃餘
陰利行旅即景驗年光幾度房山路垂絲爾許長

檀廬

塞北燕南惟所如坐來吾亦愛吾廬不愁白露侵黃幔
每引青山入碧疏持觴寧殊十笏地吟詩可命四宜居
端知茅土風猶在何必靈光詡植蕖

秋夜聞雁

雲間寥亮數聲傳此去衡陽路幾千武帳清吟春夕句

銀藥彷彿照前年

前歲易州道中有
春夕聞雁之作

聞聲知雁不關聲

驟括舊
作句意

玉露銀蟾夜正清擬向天邊

人字問年來何事重多情

盼來千里荆天暖帶去三分塞地霜可識瀟湘煙浦外
沙明水碧正蒼涼

併菊

霜標冀北獨秀韻挹籬東致佳携得重陽景色絕勝客
歲情懷

瀟灑詩情盡意芳菲秋末霜初花雨不霏繩榻香風常
遞帷車

拒馬河

蘆荻莽孤煙鷗鳬集寒渚竹箭退秋深沙痕露遠嶼舟
師底用呼浮橋舒燕羽俯瞰激湍波仰眺空澄宇橋上
往來人秋懷夫幾許

石門店示直隸總督那蘇圖并隨駕地方官

負山以為郭環之清淺流田家無背勢取次成村陬東
隣復西舍豆架更瓜疇工圃飽於茹學稼靳有收是時
諸務畢賽社推肥牛築場地鮮隙比戶人無愁莫知苗
碩輩亦道今逢秋熙熙胥樂康歷覽豁雙眸吁此石門

店往者數經由黃塵暗遠天春旱鎖眉頭白水積低田
秋霖切已憂此景曾幾見額感大造庥隨行封疆臣給
事千石儔來來聽余言繫予有後謀耕九而餘三屢豐
毋或偷既富日教之吾聞諸前修催科幸未加今歲普免直隸
正賦休養尚應籌否泰况循環持盈可懈不與我共此者
舍汝其誰求後樂縱不無先憂豈有休

九月十四日恭謁

泰陵

奠桂當茲日攀

龍憶昔年幾經寒暑易常入夢魂牽

大德自終古深恩永八埏

山陵雲霧閔冠劍日星懸秋氣增蕭索悲懷隱結纏驅
車還復去回首淚潸然

恭謁

泰陵禮畢奉

皇太后便道詣五臺瞻禮曼殊易州道中得詩二十八

韻

翠憶別

丹陵行旌指綠塍載觀方稔歲常奉

大安乘臺麓香嚴域

神堯法駕昇祝釐誠有藉紹德理原應稍度西成序書

秩西成以
殷仲秋

猶然爽氣澄陟山還破霧問渡不愁冰紅樹

村宛爾清風店絕勝

清風店易
州地名

古來燕趙地故事短長

徵樊館餘荒址

州南二里許
有樊館山

荆山倚碧嶒

即荆軻
嬴秦山也

徒割據豪俠此陵憑臺有黃金號

燕昭王築黃金臺在易州之東南

屏

猶積翠稱

吟臺在積翠屏下相傳為五代馮道讀書處

招延殊可尚長樂最

堪憎歷歷興亡事行行感慨增六龍驅沛父八輦輶輶
較健士盤神馬材官按俊鷹繖張紅日障旗曳紫雲騰
郭外聞春碓溪邊看結罾築場全少隙比櫛不論層要
識舒長樂多緣黍稷登降康

天有自致瑞我何能時豫因修武懷深敢忘兢土臣朝
肆覲書案夜親凭飛白聊娛暇批黃每繼燈狩巡五年

舉休助萬民承勤政傳

家法延禧命梵僧詎惟遵象教端以緝

徽興指日臨三晉神霄躡幾棱方輿應有志繼

武孝孫曾

荆軻山

白雲紅葉遮橫巒策騎忽過荆軻山燕南自古多義俠
至今遺蹟猶班班嬴秦久矣失其鹿何須怒臂誇燕丹
吁嗟世多耳食流傳聞傳會葬衣冠持短入長空有術

投鼠忌器垂大閑由來尺八不足恃衍水匿跡餘悲歎
秋風九月拂征鞍想像蕭蕭易水寒當時壯士不復返
安得若斧留山巔徒令千秋弔古人恨不終從鞠武言
月

晚雲斂易山秋風蕩冀野輪匡剛就圓滿意清光寫霜
林影蕭疎寒砧聲上下瓊廬冰

去聲

紙窓幽韻殊堪把翻

書逃脉望就枕遲宜樹竭爾憶去年蘭缸復微燭

四賢祠

州南易水旁祀郭
隗樂毅劇辛鄒衍

漫論渭濁與涇清三代斯民直道行
古屋西風半頽落至今猶識四賢名

四子翩翩今大夫要皆能自立之徒
比鄰尚有昭王廟想見當時一德享

黃金臺用沈德潛韻

都城定興安肅易州皆載有金臺德潛詩
日照劉門淡亦指都城者言之然李善引上谷郡圖經云
臺在易水東南十八里則易州似有據或者當時昭

王延訪心切置金於臺原不一其處也

堪尚白駒意黃金到處臺拔茅茹以彙市骨駿應來易
水尋流渡秋雲為客開伊人題句後誰復聞詩才

鄉民有進萬壽菊者命張若靄圖之

金蕾層還疊絳英淺復深菊同衰露秀葵比向陽心繪
事閒中賞民情靜裏尋臺懷重翠處還擬命摹臨

咏松

安肅民風多學圃灌園種得滿畦松嘉生尚剩霜前色

活計原同秋後豐至味儘堪資玉食閒情還與命詩筒
綠鼓翠甲渾如畫風趣周顥想像中

木蘭祠

在完縣城東

克敵垂成不受勲凜然巾幗是將軍一般過客留吟句
絕勝錢塘蘇小墳

唐縣懷古

勲華千古帝之師古縣西東各設祠

帝堯廟在縣治儒學東帝舜廟在縣

北治西
治法惟應歎魏蕩心傳誰果辨微危百王以後常

增愧二典當前豈有奇瀉水秋風無限思六驄欲度更遲遲

唐縣老民劉永壽年百有一歲接駕道左行不扶杖賜之金與食以示養老之意

睥睨中山古郡城征鞭暖拂杪秋晴趨迎道左吾之子
萬億人中汝是兄聲亮耳聰鍾氣粹蒼眉黃髮稱耆英
應緣獨得羅喬術

宋喬同與羅道成偕隱於縣之西山年八十餘益壯後傳聞仙去至今名

為羅喬山靈壽無須此地行

柏巖山

在唐縣古柏數百株有賈島洞

詩裏清新賈浪仙
柏巖巖洞以人傳
三年兩句吟安者

數息依稀此樹邊

賈島獨行潭底影數息樹邊身二句經三年始得見自注

雨

虎帳華筵夜未分
瀟瀟忽自枕旁聞
昨來馬耳迂蘭路

早見峰頭罩絮雲

唐縣馬耳山相傳峯頂出雲即雨其言果驗

聲籟靜參銀

瑟戛色形懸擬玉
絲琴輕輿度處
茫茫膏

去聲

便少霑濡

意亦欣

王陵城

跋馬路漫漫霜林葉已丹
猶然此巖壑曾見漢衣冠
少
顛君言信知興母節難
霸圖劉項息野水自寒灘

觸目

觸目成詩景山幽水復清
末由拋底句聊以記行程
井
町菁芽熟村帘酒價輕
滌場應少暇還聽叱牛聲

曲陽縣望水竇巖

水竇聞清窅雲中望莫真
靜參聲聒耳遠想境澄神
駐

輦思金帝

金章帝有水竇
巖漱玉亭詩

磨崖憶宋臣

山坡石上勒蘇軾浮休二大字

因名浮休不二偈可以悟根塵

坡峽

阜平縣恭依

皇祖元韻

秋老染紅梨霜稊餘綠杞郭郭仍古郡欽崎倚峻址停
轡驗民風淳樸喜不俚頗知習詩書亦復勤耕耔當時
苦井稅灌田乏活水

皇祖詔寬輸勤民恤勞止逮此六十年疲俗日以起西

巡際時和前車驅記里翹首仰

前猷何能繼休美黔黎愛戴同彌切慙與喜深荷
祖澤貽瘠土成城市朝夕勉惕乾願思保泰理

晴

絮雲歸岫放新晴磴道縈紆緩轡行風月從來無盡藏
山川到處解逢迎北溪水入南溪漲上界鐘傳下界聲
朱鳥溫暾剛送暖邇來何太趁人情

野墅

野墅平蕪落照間
小橋幾曲水潺湲
即看比戶無饑色
不覺憑輿動喜顏
箬笠牧童寒遂遠
釵梁村婦晚花殷
尋常俚語還堪聽
租賦無供豐歲閒

御製詩初集卷三十五

欽定四庫全書薈要卷一萬三千三百九

集部

御製詩初集卷三十六

古今體七十一首

丙寅八

三箭山

龍泉關側崇崖竦峙康熙二十二年我

聖祖經此勒馬而射連飛三天直逾岩頂居民遂呼其
處為三箭山經過其下仰維揚之

烈蹟切如在之溯思不愧無文因成有述

柔弓長箭夙曾聞

柔弓長箭快馬輕刀我國朝夙擅長技也

拔萃多能

聖出羣

神武真堪軼貞觀天山那更數將軍從容望月烏號引
想像秋風赤羽分幾度停鞭層巘側

當年威烈尚凌雲

龍泉關恭依

皇祖元韻

雲關臨木杪石壁矗秋空據勝三邊接銷烽九塞同寒

遲莎坂綠旭放堞樓紅花雨霏天外清涼指顧中

積素

積素通晨寒氣空留曉月雞號埭上霜嘶溪邊筏鐘
聲古寺傳炊煙茅店發光景堪攬結雲嵐倏出沒殘夢
誰復續閒情於以越得句讓坡仙拈髭興無歇

度龍泉關山西省諸臣来接

西巡臨九月肆覲接羣工圭璧雖無輯量衡應有同豫
遊導夏諺蟋蟀驗唐風疾苦問閭切休徒頌屢豐

自長城嶺至臺懷恭依

皇祖元韻

五臺夙所企結念禮文殊行將至香界先此躡雲衢秋
色駐楓嶺霜華霏椒途來來就日民雜沓聲懽呼峰壘
村前髻泉鳴澗底竽閭井西成佳對此頗自娛撫衆意
彌欽繩

武念更紆十年縱小康豈足言區區清涼信清涼宜為
佛所都天花上下雨梵雲朝暮圖延禧祝

慈寧端資法潤濡時巡藉講武

皇祖有鴻模申命僕御臣此行其可無

射虎川

遵長城嶺而西絕壁嵌丹灌叢纈綠我

皇祖西巡時射虎處也神武泉在其旁因成是什用志

景欽

鼓莽荒榛霽靄凝川經射虎仰

威稜孫權却笑為車怯李廣徒聞沒石能詎是雄於一

夫勇由來

聖有百靈憑何人政致於免避到處農桑信可徵

五臺舊聞

多虎今則墾田藝植猛獸避跡矣

即事

遠峯積雪玉為屏近障開雲髻
巖青應是耆闍域相望
不教形色擅山靈

娑羅樹恭依

皇祖元韻

樹聞如意隨求得

梵云噶爾布喇瓦喇斯此云如意樹即娑羅樹也

梵典曾標

鹿苑植層層幢節古佛前碧眼番僧來尚識東土西天

豈定形飛來靈鷲千雲青安知此樹不憶石因風作語

猶泠泠七葉龍葱湘蓋偃縱移根越千年遠益部楚州

疑附會那覩月木依雲巘

娑羅花佛日盛開每朶十二瓣遇閏輒多一瓣故云月木

見雲南志如桐如栝影團圓雪覆霜凝翠鬱盤不殊調御丈

夫倚

用湮盤經事

曾沐

曼殊師利看

烏斯藏進表皆稱曼殊師利大皇帝曼殊是佛妙觀察智更切音與滿洲二字相近

故云

清涼山恭依

皇祖元韻

橋渡西巡仰

聖蹤

西巡橋在寶塔縣前康熙二十二年因乘輿臨幸故名

崇崖仍舊矗

堯松隔巒未見雪中寺應谷先聞雲外鐘敢覓新題清

咏別惟應

元韻敬依重

五臺諸勝一依作元韻不敢稍有增益也

皇祖舊

山靈有問如

何答再過還期叩碧峯

五臺山天花詩恭依

皇祖元韻

仙菌多盤古柏青
金幢玉節倚雲屏
山僧雨後鋤懸壁
飯佐胡麻萬慮寧

北臺眺望恭依

皇祖元韻

此地誠初地
花宮切昊宮
攀梯九天半
駐罕五雲中
夙

道夏猶冷今來冰却融

北臺為五臺最高處或謂積雪經夏不消仲秋即絕人來往茲

已立冬候而天氣暄和山逕雪融泥濘人言豈可盡信耶

禪關最高處放眼豁心蓬

昨向雲中望今從雲外躋
瞰餘三晉小憑處萬峰低
化國多神跡雕楹煥

寶題

勲華是峰並不敢道思齊

望海峰恭依

皇祖元韻

天半瞻蘭若鐘聲發上方只疑查到漢空說海生桑積
雪山皴白經霜葉染黃

聖蹤餘想像雲際辨微茫
望海峯在東臺是日
北臺望見而未至

靈鷲峯文殊寺恭依

皇祖元韻

靈鷲標乾竺飛來無近遙穹窿開梵宇左右列僧寮
羽峰頭駐天花雲外飄從臣傳

往烈指點話崇椒

殊像寺恭依

皇祖元韻

跨猊自何至駐此象龍筵乍覩無殊像堪明不二禪神
光燭空際柏子落階前那用登層頂憑臨意豁然

顯通寺恭依

皇祖元韻

窳堵入雲重高盤靈鷲峰無先梵網域最古化人踪

是寺

創自漢明帝蓋佛法始入中國時震旦祇園此為最古

嵐影交窻翠松陰入座濃

歸輿凹外轉猶聽隔林鐘

迴鑾即事

時巡繩

武關金穰臺麓延緣禮法王宸愛唐風猶近古時從好
樂戒無荒

祝釐迴奉

大安車空裏簃簃度嶺斜應是文殊送歸轡故教隨路

散天花

是日雪

天公玉戲變暄寒
迤邐銀衢碾翠鑾
迴望五臺霄漢上
虛無真作化城觀

迴鑾至鎮海寺積雪在林凹峯露寺天然畫意因

命張若靄寫之

藍田生玉有波濤
古幹拏龍染鬣髦
好是天公傳粉本
從教呵凍一揮毫

路遙昨過禪虛叩
泥凇今來礪未登
多謝山靈不相悞
却將全體露銀稜

煨芋煙霏香積厨
山僧消受合清臞
詩禪契處叅形色
不可圖中如是圖

長城嶺雪霽

祇域林遊遍雄關
轡返初看峯真積
玉度嶺似凌虛松
翠張圓蓋溪澌響
佩琚茶煙颺僧舍
酒望颭村廬風俗
分燕晉馳驅戒旅
胥農祥多黍稌水
利仿溝渠

是處有
引水灌

田者
臺麓迴眸遠雲端
結念紆不教吟興
盡佳處每留餘

暖

嶺複更巒重暄和迥異冬暖披綿襖日寒勒翠微峯村落尋常靜吟哦次第供天工人與限綠樹入闌逢

阜平縣

朝過阜平縣霜華散輕寒宴溫朱鳥暉依微墟里煙一
老跼道左皤皤實可憐將欲賜之金匍匐前致言謂駕
由此過首被皇恩旋豈敢重受賜不知止足焉吁此迎
鑾人奚啻萬與千得隴還望蜀尚且增其年

朕下詔賞
賚老民視

年之大小以別賞之輕重故多增其年歲以邀厚賜其
云百歲及九十者率皆七八十歲之人然亦不與之較

也等差寧過優誰惜此戔戔是老獨異恒可謂耆而賢
十室有忠信吾聞諸文宣亟命重賞之教汝曾與元淳
風在閭閻對此一忻然

秋麥

燕南洛北風相近貽我來牟物土宜氣伏三冬先吐甲
綠連千畝已銜滋每添鑾輅憑觀喜肯使龍驤恣意馳
鴈雪春霖知協否一年曾幾放懷時

箕山四首

蘭衢翹首望雲椒
小隱興予論古遙
一任棄瓢還洗耳
巍巍蕩蕩總歸堯

蒼煙淡靄古溪頭
父老猶然說飲牛
自是耦耕有沮溺
那無長往讓巢由

桑田海水幾迴更
此地千秋識遜亨
避世不緣逢叔世
伯夷難擅聖之清

行唐迤邐度箕山
問答碑前夕照殷
巢許有知應抱恨
孤踪何自譟人間

真定隆興寺禮大佛

真定大佛夙所聞調御丈夫天人尊禮遍文殊不見法

適從五臺

便道因之一入門

世尊因文殊在門外立乃曰文殊文殊何不入門來

文殊曰我不見一法在門外何以教我入門

權城

在縣北二十里古犍鄉也

南望亘埤塊

香閣

佛香閣即大佛殿聖祖御題

遙見高橫雲龍騰故苑尋霸業

燕慕容熙所建龍騰苑即此隋改為廟

獅吼初地禮法輪繚垣拓落據壇

址佛樓穹窿切迥旻曲廊延袤下無地豐碑揅笏何紛

紘豈能一一辨氏代開皇開寶依稀分吉祥雲裏瞻相

好五髻千臂懸星辰金容滿月白毫彩莊嚴具足威且

神其高丈六復丈六有如量頂無邊身

無邊身菩薩將竹杖量世尊頂

丈六了又丈六量到梵天亦不見世尊頂乃說偈云若有能量者窮劫不可盡

我聞虛空泯邊

際孰非佛相徒是云須彌非大芥非小目迷五色心猶

塵隋創唐修成往蹟訛談今尚傳將軍

寺有鄂國公勸修碑蓋隋之王孝儉

也後世訛塑敬德像

後周闢異意本吝鑄泉豈復今猶存

周世宗毀此像

以供泉府之用

宋祖重造稱功德悉檀未識六度真

檀捨也佛無不捨豈

惜一軀哉

闍黎荒唐詎宜信銅出晉井傳俗論

俗傳造是像時寺後井自

出銅至今尚存倭則不可毀何必搃戈聚頌難具陳憑欄聊且

縱遠目小陽景物方如春

閼潯沱河隄工

徒駭舊津谷其流無定所源出大戲山

在山西
縣時縣

經此達

直沽頻年漸北徙行恐侵村墅曾允方伯請建隄資捍

禦

乾隆九年允高斌奏
建魚鱗隄並挑水壩

臺懷返六轡便道戾茲土混流

迤郊南延緣勢一覩菱葑積崇崇魚鱗排齟齬防險常
若斯何慮波臣鼓更喜沙痕漲俯視成洲渚禹行縱未

能潘治不無補

明潘季馴治河最善高試常敬服之

蒼煙淡靄間極目稍

延佇波寒魚在潛荻老鴻辭淑策鞭可亂流無待冰合

浦誰能麥飯亭真偽勞稽古

光武渡河蓋在深澤饒陽間唐宋以來凡渡滹沱者

無不舉光武事此處亦有麥飯亭蓋附會耳

所幸奏底績萬戶慶寧處

登真定廣惠寺多寶塔

祇園尊勝亦雄哉拾級真登七寶臺雲霓層梯供攬結

隋唐勝蹟許徘徊

是寺與隆興寺同建於隋而修於唐有寺碑可據

帶形潯水

半灣合畫景恒山一燈開望遠憑高每有意堵波獅象

記初來

真定行宮晚坐

時孟冬五日

別館花宮側軒齋閱歲年

行宮建於康熙五十二年
在隆興寺右

晚芳生

意趣古榦靜因緣新月纔堪對
清宵劇可憐
朦朧香閣影空色悟初禪

雪浪石用蘇東坡韻

杜老白帝餽東屯蘇翁稍幸斯州尊
從來詩人半窮困
未必天道迷昭孤踪飄泊豈有定
官居尚憶懸水村

坡詩云官居獨在懸水村

我從便道尋古蹟策馬定武循城門衙齋

左側醉仙在無須玉局重招魂立來應已閱桑海移時

想復動雲根峰皴似助吟咏勢苔斑猶漬摩挲痕當時

滕倅投意氣

東坡是詩乃和滕大夫韻也滕名興公為定武倅

掀髯把酒相評

論何人好事惜廢墮覆之以亭承以盆却憶晴窓哦日

課

向在書齋曾咏此題今刻樂善堂全集中

雪浪早入予思存

疊前韻

周廬衛士千牛屯雲依星拱黃屋尊郡城南望據勝勢

節候東壁方中昏納稼逢年慰予志崇墉比櫛看村村

省方餘暇討輿誌衆春園首尋松門

韓琦衆春園亦在定州城內康熙四

十一年州牧韓逢麻移雪浪石置園內前建

韓蘇卓

御書亭後有韓琦蘇軾祠並軾書雪浪齋碑

榮宋偉器葆祠相望慰精魂百花池畔

在園內

笠亭下亭

亭桀豎如生根異代何幸遭

睿賞

宸章煥注屋漏痕海上三山却可擬淮中一品安足論

坡翁筆力健扛鼎坐令先生丈八盆

盆上刻銘係坡老手蹟

從來

正人顯後世撫玩之餘鑒戒存

命張若靄圖雪浪石再疊前韻

造物精氣視所屯石中巨擘雪浪尊巍然曾見宋冠帶
介爾不受世朝昏沃之以水跳珠沫翠影彷彿浣花村
曾聞此語半疑信惜哉未訪荒園門寫真無慮道士醉
醉裏越得傳神魂詞臣頗善米家畫渲染爰命探天根
壁張欲出雲煙氣燭照曾無筆墨痕兩孫絕技亦已擅
興來擬喚髯翁論

石盆上刻坡銘云盡水之變蜀兩孫與不傳者歸九原注云蜀孫位孫知

微善盡
活水

此翁詩句豈易和如繼陽春以叩盆前言未足

更疊韻仇池事例今聊存

一題而數疊元韻惟坡擅此長尤以仇池石詩為最云

定州覽古

迤邐中山境林端夕照紅逢秋農有慶閱古興無窮事

業韓彪炳文章蘇趨雄千秋遺矩在明月與清風

二村名在

縣南北各

三十里

蓮池書院

西巡返翠輦東道駐樊輿蓮池舊名蹟停轡覽斯須閒

齋十笏強小園五畝餘建挿引盧水滙為明鏡湖俯欄
有遊鱗護波來飛鳬不謂城市中而與林泉俱吟咏息
冠蓋絃誦聚生徒必有取義耳詎惟玩物乎茂叔標淨
植所愛寄芙蓉晦翁創白鹿覺牖垂芳模瞻彼萬卷樓
在府治內元賈輔
建延邾經居之守此一經鋤一經苟或通萬卷理不
殊勛哉佔畢流學為君子儒

賜直隸總督那蘇圖

潯水松山六御臨觀豐稍覺慰予心王畿千里民惟止

保障一方汝尚欽要識

天庥承處幸應須農事靜中尋連勝二麥芄芄綠漫使
馳驅恣羽林

雪擬蘇軾聚星堂體兼用其韻

蘇詞遭遇多枝葉倒紉禁體先犯雪起舞浮白意匠殊

縱橫驅用堪叫絕

聚星堂體本潁州禁體物語考廬陵集玉月梨梅練絮白舞鵞鶴銀等勿

許用坡詩有起舞浮白字蓋字雖犯而意不同此坡元老見長處至雪字應在禁例而用之未免倒紉矣

冥恰喜交初節

時甫交小雪節

過水真如遇方折平原羃歷寒

颶逼長空晦靄暮光滅旌門鏡吹雲璈奏幔城漏響金

魚掣徘徊中夜聽拉瑟行檠燭葩蓮花纈天窓取氣揭

薄紗

武帳遇雪宜令透風則人不致受炭氣而得疾

地爐

掘地為爐也

生火燃枯屑

遙想林岫已婆娑却愛郊坰正飄瞥即景竭詠都官句

占年夙記農家說醉翁髯老垂髭令會取陳言能點鐵

命梁詩正等賡前題因疊韻再作一首

同雲一色難分葉禁體苦吟雪非雪背觸如叅竹篴子

歐令蘇傳兩奇絕蝗深可卜田火除心喜應教屐齒折

況復督亢舊膏腴

是日過安肅督亢陂即燕丹所圖以獻秦王者

恰似藍田未

堙滅梁王已命兔園宴杜老那擅鯨魚掣憑輿攬結吟

興飛拈鬚何慮冰花纈十餘字耳乃區區不因步韻宜

避屑

余謂屑字似應在禁體祇以蘇韻用之

却憶澄海禁水部

癸亥冬澄海樓與張

照梁詩正聯句凡字涉水部者槩不用視此稍嚴耳

倡和豪情巖電瞥試看滕六

御風行彼則有言可無說獨憐呵凍賡吟者毳衣布帳

寒如鐵

雪中過定興縣

斜飛作勢正鬚鬚高下模糊驛路賒凍咽小溪疑漱玉
春回老檜欲生花

乾於細雨濕於霜寒裊鞭絲度范陽千載詩人傳島瘦

賈島范陽人白雲深處望迷茫

村鴉恰恰向林啼極目遙天勢乍低憶得三年前覓句
瓊田跋馬瀋城西

坡翁一句記分明將謂詠諧却有情歌舞農夫怨行路

由來雨雪不相爭

斯人何似似春雨歌舞農夫怨
行路東坡次韻王滁州句也

掛瓶菊疊舊作韻

携來清苑秋色

沿逢無菊至保定始見
盆植者折數枝插瓶中

會得江州孟嘉

不畏蹊邊雪冷何妨帳外霜華無言花姿葉態隨意黃
正紫斜含毫似難揣稱燄垂蠟燭紅紗

三清茶

以雪水沃梅花松實
佛手吸之名曰三清

梅花色不妖佛手香且潔松實味芳腴三品殊清絕烹
以折脚鐺沃之承筐雪火候辨魚蟹鼎煙迭生滅越甌
潑仙乳瓊廬適禪悅五蘊淨大半可悟不可說馥馥兜

羅通活活雲漿澈倭倭遺可餐林逋賞時別懶舉趙州
案頗笑玉川謫寒宵聽行漏古月看懸玦軟飽趁幾餘
敲吟興無竭

弘恩寺

梵宇接通衢花宮別一區焚香薰意葉禮佛定心珠不
認幻空色誰叅真有無暫教停玉食聊試飽伊蒲

左側闢離宮雲匡展轉通

左側離宮亦建於康熙年間白屋數楹足有佳致

土

階

堯儉德丈室佛家風
幾個寒筠綠一窓曉日紅
歸鞭循徑轉人語出林中

曹溪雖別源般若豈殊門

釋家分宗教律三門是處蓋持律門也

會得無

為行何妨如是言
冬初烏哺母歲久檜生孫
迴首前遊跡光陰迅若奔

憶余雍正年間因往水東便道一至此寺忽忽十餘年矣

白雲觀

清都閱歲年咫尺鳳城西
舊蹟傳日下愧我未留題
西巡返翠華陽月迎朝曦
迤邐阜成門紫府路左陲
詎為

遊仙來聊因便道宜延緣步石闕揭要雕橫楣雲章鳳
篆間將謂多神奇圓圓圖太極鼻祖自瀛溪七真殿實
古聯語出張芝

殿內孫岳頌
字甚有筆法

如何舍孔孟而云交坎離

淨室最幽閒墨胎坐處機設云藉是傳非得乃失之木

鉢誠臃腫

室內真人鉢可容粟一石
相傳通密自塞外携至者

似有妙偈垂其後

峙塗閣拾級登雲梯

帝載無不通何況儼在茲瞻禮祈有年所願恒如斯

今歲

直隸秋成豐稔實數
年以來所僅見者

徘徊撫庭植松柏拏虬枝約畧考

建置細睇無年碑

觀內有正統正德重建碑又一碑無年號而所記處順堂事為最古云

兩朝垂寶翰

觀內復有

聖祖賜匾最多世宗御書福字

煥若雲霞披懿

此長春宮佳勝孰與齊宮毫紀初歷風日洵恬熙廣成
世間少訪道且遲遲

西巡廻鑾述事

繩

武惟懷詠陟山六龍
琴麗薄冬還赦除本為青灾肆粟
帛頻因養老頒

塵淨香街碾大章問

安依舊寢門常祝釐欣得文殊佑應與崇臺並

壽康

歷覽倉箱萬寶登

今歲直隸並山右晚田甚豐為數歲所罕見

肯忘宣郡目

觀曾

去歲至張家口彼處正被災雖亟賑恤戚然未釋於懷

今秋薄得山田獲却

為災餘喜不勝

民瘼時緣巡省知

仁皇家法至今垂歸鞭尚拂城闌柳正是小陽未冷時

攜衆春園并雪浪石稿本以歸因命董邦達圖之

三疊前韻

磊磊白石如甃屯蘇詩說項石以尊我臨定武尋遺蹟
寒雅叫樹山黃昏丹青思命傳神手塾師徒遇三家村
規模纔得具約畧若為祠宇若為門一峯已點長髭眼

雪浪石已命張
若齋圖一幅矣

三徑應貌香光魂古屋蕭蕭閒以寂踈

松落落盤其根憇遊為想韓蘇躅苔蘚全蝕波濤痕由
來忘筌乃近道刻舟求者奚足論此物頗幸仇池石至

今安在高麗盆剪燭清吟叅結習地爐活火方溫存

命董邦達圖途間雪景隱括大意示之因再疊禁

體詩韻

藝圃曾聞輕楮葉營丘夙擅能圖雪設如白戰遇歐蘇
錯手無從堪笑絕昨從清苑返行旌范陽古道循曲折
雲幕朔天漸低黯煙凍僧寮乍昇滅吟詩未覺冰硯寒
行圍却喜飢鷹掣筴筴著體化如幻綏綏整帽繇於纈
從來此景我所耽興豪擬問誰遺屑却慙未透即離禪

還應為譜風花瞥耳眊目眊本一例約畧林嵐為指說
畫成傳示同事看從教宵寐衾鋪鐵

五弟稽古齋全集刻成進覽即事書懷

華編成秩秩謙度出遲遲

余與弟皆以雍正八年薈萃所為詩文定稿而樂善堂全

集刻於乾隆丙辰弟至今歲始刻全集即此譔冲朕實愧賞弗置

稽古得精粹由中不

蔓枝清辭淡以遠豪筆爽而奇恍惚晴窓永埴簾唱和

時

集中諸作舊時日課同題者居大半

三疊擬聚星堂韻

拈出天花示迦葉一笑至今鬚鬢雪昨吟禁體效歐蘇
沓拖流風殊未絕冀北方欣麥鉞綠江南應報梅膏折
望中峰勢忽如迷旋教萬徑人踪滅收餘活火煮三清
名茶颼颼古鼎松風掣亂侵屐齒乍凹凸細灑簾旌仍委
纈詩翁競勝巧形容岳瘦郊寒全不屑清歡渴望兩相
爭此景年來曾幾瞥朱鳥溫暾綿襖披三希佳事還堪
說明窓淨几展時晴古法平沙劃錐鐵

明窓

徙倚明窓下溫暾朱鳥光寄閒忘景急致遠覺時長
裘火檀噴鼎扶盃橘染絢玩辭屈來復安靜養微陽

每至冬月輒寓寒梅數枝因成短句二首

索笑巡檐意最親依然逢得弄珠人恰如老榦孤山側
不負年年捷報春

品兼蘊藉與風流无咎猶然粉本留漫道寒冬偏寂寞
明年芳事此從頭

題董邦達寒江獨釣圖

臨流弄竿綫會心古有方將取必姑與子釣而不網
柳州詩裏畫營丘畫中詩是一還是二妙處試傳之

冬至齋居疊舊作韻

評論晝短與宵長旋轉義娥了不忙乍對銀缸遲漏刻
因披青簡發芸香姬公易象原堪見工部詩懷未易量
遷坐致齋欽祀事天心來復又開陽

冬至日有事於

南郊

璇霄象緯麗昭明月

天開殷薦行韶樂將將聆九奏崇臺嶽嶽步三成獻邇

允愜綏豐願直隸今歲豐稔為數十年來所僅見者捧壁彌深奉若誠靜

驗大來而小往勤思保泰以持盈

太液冰嬉十二韻

順時陳國俗擇地試雄觀號令傳河若威儀紀水官光
凝元玉浦聲咽碎珠灘散處雲馳宇紛來雪噴湍端因
智獨勝奚必力俱殫疾以徐斯疾安其危乃安御風列

應讓逐日夸無難迅似巖飛電溫知犀辟寒超羣殊閃
燿作勢更嬾珊擬議弦催箭形容鏡舞鸞一時誇奪幟
獨步早登壇妙義韜鈴外憑人著眼看

臘月廿五日立春擬春帖子

萬物含韶律千門颺瑞烟雙春連一歲一氣轉雙年
鴻龍玉斗運無休京兆青旗迓土牛臘鼓喧鳴春草發
一年農事又從頭

除日

除舊迎新節要春錢臘朝排門聲報竹卷燭頌稱椒麗
景依蘭殿和風到綺寮元冥應惜歲故慢轉招搖

御製詩初集卷三十六



總校官庶吉士臣侍朝

校對官編修臣朱攸

膳錄監生臣竺昌基